



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1415. usque ad annum 1431

Fleury, Claude

August. Vind. [u.a.], 1768

VD18 90118294

§. 219. Amurates Mahometis I. successor.

[urn:nbn:de:hbz:466:1-66272](https://nbn-resolving.de/urn:nbn:de:hbz:466:1-66272)

ei juxta ac munitam Thraciæ urbem Cal-Sæcul. XV.
liopolim pactus erat, quam tamen post- A.C. 1422.
modum dare negavit, caussatus, Turcas
huic cessioni acriter obluctari, eoquod hæc
urbs in Europæ partibus prima esset, in
qua Mahometani prima religionis suæ
fundamenta jecissent.

§. CCXIX.

Amurates Mahometis I. successor.

Mustapha, postquam omnes, quibus Phranz. l. 5.
Turcæ in Europa potiti sunt, Pro-^{c.} 50.
vincias suo subegisset imperio, reliquas
quoque occupaturus, in Asiam movit.
Occurrit eidem Amurates, qui Musta-
pham fusis fugatisque illius copiis, capti-
vum Adrianopoli laqueo suffocari jussit.
Bello sic absoluto Amurates Constanti-
nopolim obsidet; cum vero urbs invicto
robore resisteret, quarto demum mense
re infecta, obsidionem solvere cogitur.
Quo factum, ut ad frangendas Amuratis
vires alius vocaretur Mustapha frater il-
lius, quem trucidari jussit, natu minimus,
qui, quamvis necdum tertium decimum
ætatis annum attigisset, jamjam Nicææ
urbis in Bithynia domitor exstitit, ast hic
ipse Amurati in prædam cessit, & eo-
dem, quo frater suus ætate major, sup-
plicio interemptus est; Hujus morte A-
murates solium suum tam in Asia, quam

Histor. Eccles. Tom. XXVI. I i Eu-

Sæcul. XV. Europa firmabat, ab eoque tempore Græcæ.
A.C. 1422. corum res semper in deterius ruebant.

§. CCXX.

*Fædus Bedfordiæ & Britanniæ Du-
cum aliorumque contra Caro-
lum VII.*

*Joannes
Chartier.
Histor.
Caroli VII.*

Æmulorum invidia Carolo VII. recens impositum Regni Diadema jamjam excutere paraverat. Nam Dux Britanniæ ægre ferens, mandati literas in scribiis Dominorum de Pentiveriis inventas fuisse, quibus ipse comprehendi, ac in carcerem trudi jubebatur, circa medium mensem Martium unacum suo fratre Arturo, Comite Richemundo Ambianum se contulit, ubi cum Bedfordiæ & Burgundiæ Ducibus contra Regem Galliæ fœdus pepigit. Firmarunt quatuor hi Principes suum pactum bino connubio, quippe Bedfordiæ Dux Annam, quæ ex sex illis Ducis Burgundiæ sororibus quinta erat, & Arturus Ducis Britanniæ frater Margaritam sororem Burgundi natu maximam, & Ludovici Delphini viduam sibi copulaverant. Post initum fœdus omnes junctis viribus Meulanum, Crotoriam, Compendium, & Vasatas in Vasconia vi occupant, denique, ne quid malorum cumulo deesset, regiæ Caroli copiæ apud Crevenum, quam urbem